



2026 წლის ქართველოლოგიის კვლევებისათვის სახელმწიფო სამეცნიერო საგრანტო კონკურსი

GSDP-26

კონკურსის მიმართულებები

1. ქართული ენა, აფხაზური ენა და ქართველური ენობრივი მრავალფეროვნება;
2. ქართული ლიტერატურა;
3. ქართული ხელოვნება;
4. ქართული კულტურა (დაემატა ახალი დარგი - რელიგია);
5. საქართველოს ისტორია და არქეოლოგია;
6. საზღვარგარეთ არსებული ქართული მატერიალური და სულიერი მემკვიდრეობა.



კონკურსში მონაწილე სუბიექტები და მონაწილეობის პირობები

კონკურსში ფინანსდება ინდივიდუალური და გუნდური პროექტები.

პროექტის ხელმძღვანელი (სავალდებულო სუბიექტი)

- არის საქართველოს მოქალაქე ან უცხოეთში მცხოვრები თანამემამულის სტატუსის მქონე სხვა სახელმწიფოს მოქალაქე;
- ფლობს დოქტორის, მაგისტრის, ბაკალავრის ან მათთან გათანაბრებულ აკადემიურ ხარისხს, ან არის დოქტორანტურის ან მაგისტრატურის საგანმანათლებლო პროგრამის სტუდენტი, ან ბაკალავრიატის საგანმანათლებლო პროგრამის სტუდენტი, რომელიც კონკურსში პროექტის წარმოდგენის მომენტისათვის ირიცხება დამამთავრებელ ან მის წინა კურსზე.

ინდივიდუალური პროექტის შემთხვევაში:

გრანტის მიმღებია ერთი მკვლევარი - პროექტის ხელმძღვანელი, რომელიც პასუხისმგებელია პროექტის განხორციელებაზე.



კონკურსში მონაწილე სუბიექტები და მონაწილეობის პირობები

გუნდური პროექტის შემთხვევაში:

- მკვლევართა გუნდის წევრი შეიძლება იყოს (სავალდებულო): საქართველოს ან/და უცხო ქვეყნის მოქალაქე, უცხოეთში მცხოვრები თანამემამულის სტატუსის მქონე სხვა სახელმწიფოს მოქალაქე, ასევე, ლტოლვილის ან ჰუმანიტარული სტატუსის მქონე პირი; უნდა ფლობდეს დოქტორის, მაგისტრის, ბაკალავრის ან მათთან გათანაბრებულ აკადემიურ ხარისხს, ან იყოს დოქტორანტურის ან მაგისტრატურის საგანმანათლებლო პროგრამის სტუდენტი, ასევე ბაკალავრიატის საგანმანათლებლო პროგრამის სტუდენტი, რომელიც კონკურსში პროექტის წარმოდგენის მომენტისათვის ირიცხება დამამთავრებელ ან მის წინა კურსზე;
- პროექტს უნდა ჰყავდეს წამყვანი ორგანიზაცია (სავალდებულო) - საქართველოს კანონმდებლობის შესაბამისად შექმნილი სსიპ, საქართველოში რეგისტრირებული კერძო სამართლის ა(ა)იპ, რომლის წესდებით/დებულებით განსაზღვრული მიზანი არის სამეცნიერო კვლევების განხორციელება, ასევე, საქართველოს უსდ;
- პროექტს შეიძლება ჰყავდეს თანამონაწილე ორგანიზაცია (არასავალდებულო) - საქართველოს კანონმდებლობის შესაბამისად შექმნილი სსიპ, საქართველოში რეგისტრირებული კერძო სამართლის ა(ა)იპ, რომლის წესდებით/დებულებით განსაზღვრული მიზანია სამეცნიერო კვლევების განხორციელება, ასევე, საქართველოს უსდ.

კონკურსში მონაწილე სუბიექტები და მონაწილეობის პირობები

ინდივიდუალურ და გუნდურ პროექტებში ასევე შესაძლებელია:

- ჩართული იყოს დამხმარე პერსონალი (არასავალდებულო) - პროექტის ფარგლებში დასაქმებული პირ(ებ)ი, რომელიც/რომლებიც ეხმარება/ეხმარებიან ძირითად პერსონალს ტექნიკური საკითხების მოგვარებაში. დაუშვებელია დამხმარე პერსონალმა შეასრულოს ძირითადი პერსონალის ფუნქციები (მაგალითად, ძირითადი პერსონალისაგან დამოუკიდებლად წარადგინოს პრეზენტაცია საერთაშორისო სამეცნიერო ღონისძიებაზე, განახორციელოს კვლევითი ვიზიტი საზღვარგარეთ, დაწეროს სტატია და მონოგრაფია). დამხმარე პერსონალი არ არის გრანტის მიმღები;
- არსებობდეს თანადამფინანსებელი (არასავალდებულო) - იურიდიული ან ფიზიკური პირ(ებ)ი, რომელიც/რომლებიც ფონდთან ერთად აფინანსებს/აფინანსებენ პროექტს;



კონკურსში მონაწილეობის შემზღვეველი გარემოებები

კონკურსში მონაწილეობა ეზღვევა ფიზიკურ პირს, თუ იგი ძირითადი პერსონალის სტატუსით ჩართულია:

1. ამავე კონკურსზე წარმოდგენილ ორ ან მეტ პროექტში;
2. ერთზე მეტ მიმდინარე პროექტში, რომელიც დაფინანსებულია ფონდის მიერ ადმინისტრირებული საგრანტო კონკურსების ფარგლებში. ეს აკრძალვა არ ვრცელდება ისეთი პროექტის შემთხვევაში, რომლისთვისაც მიმდინარეობს ბოლო საანგარიშო პერიოდი კონკურსის გამოცხადების მომენტისთვის და არ არის მოთხოვნილი დამატებითი ვადა კონკურსის შედეგების გამოცხადებამდე;
3. ფონდის მიერ დაფინანსებულ პროექტში, რომელიც შეწყდა საგრანტო ხელშეკრულებით გათვალისწინებულ ვალდებულებათა შეუსრულებლობის გამო კონკურსის გამოცხადებამდე არაუმეტეს ბოლო 3 წლის განმავლობაში.



ძირითადი ფინანსური მოთხოვნები



- ❑ საკონკურსოდ წარდგენილი პროექტის ხანგრძლივობა შეიძლება იყოს **6, 12, 18 ან 24** თვე და დაგეგმილი უნდა იყოს 6 თვიან საანგარიშო პერიოდებად. შესაბამისად, პროექტი შეიძლება დაიგეგმოს **1, 2, 3 ან 4** საანგარიშო პერიოდად.
- ❑ იმ შემთხვევაში, თუ ინდივიდუალური პროექტის ხელმძღვანელი ან გუნდური პროექტის ძირითადი პერსონალიდან **არც ერთი პირი არ ფლობს დოქტორის ან მასთან გათანაბრებულ აკადემიურ ხარისხს**, პროექტის ხანგრძლივობა შეიძლება იყოს **6 ან 12** თვე (შესაბამისად, დაგეგმილი უნდა იყოს 1 ან 2 საანგარიშო პერიოდად).
- ❑ პროექტისათვის ფონდიდან მოთხოვნილი თანხა ჯამში არ უნდა აღემატებოდეს **150 000** ლარს.
- ❑ პროექტის ბიუჯეტი შესაძლოა ითვალისწინებდეს შემდეგ ხარჯვით კატეგორიებს/მუხლებს:
 1. ძირითადი პერსონალის საგრანტო დაფინანსება;
 2. დამხმარე პერსონალის შრომის ანაზღაურება;
 3. პროექტის განხორციელებისთვის აუცილებელი ხარჯები;
 4. ზედნადები ხარჯები (მხოლოდ გუნდური პროექტის შემთხვევაში).

ძირითადი ფინანსური მოთხოვნები



ძირითადი პერსონალის საგრანტო დაფინანსება შეიძლება იყოს:

- ❖ დოქტორის ან მასთან გათანაბრებული ხარისხის მქონე მკვლევრის, რომლისთვისაც აკადემიური ხარისხის მინიჭებიდან კონკურსის გამოცხადებამდე გასულია 7 წელზე მეტი, საგრანტო დაფინანსება ერთი პირისათვის არ უნდა აღემატებოდეს 1000 ლარს თვეში. 1 საანგარიშო პერიოდში პროექტში ჩართული ასეთი მკვლევრების დაფინანსება ჯამში არ უნდა აღემატებოდეს 12 000 ლარს და 24 თვის განმავლობაში - 48 000 ლარს;
- ❖ დოქტორის ან მასთან გათანაბრებული ხარისხის მქონე მკვლევრის, რომლისთვისაც აკადემიური ხარისხის მინიჭებიდან კონკურსის გამოცხადებამდე გასულია არაუმეტეს 7 წელი, საგრანტო დაფინანსება ერთი პირისათვის არ უნდა აღემატებოდეს 800 ლარს თვეში. 1 საანგარიშო პერიოდში პროექტში ჩართული ასეთი მკვლევრების დაფინანსება ჯამში არ უნდა აღემატებოდეს 9 600 ლარს და 24 თვის განმავლობაში - 38 400 ლარს;
- ❖ მაგისტრის, ბაკალავრის ან მათთან გათანაბრებული აკადემიური ხარისხის მქონე პირის, დოქტორანტურის, მაგისტრატურის ან ბაკალავრიატის საგანმანათლებლო პროგრამის სტუდენტის, საგრანტო დაფინანსება ერთი პირისათვის არ უნდა აღემატებოდეს 500 ლარს თვეში. 6 თვიანი პროექტის შემთხვევაში პროექტში ჩართული ასეთი მკვლევრების დაფინანსება ჯამში არ უნდა აღემატებოდეს 3 000 ლარს, 12 თვიანი პროექტის შემთხვევაში - 6 000 ლარს, 18 თვიანი პროექტის შემთხვევაში - 9 000 ლარს, 24 თვიანი პროექტის შემთხვევაში - 12 000 ლარს.

ძირითადი ფინანსური მოთხოვნები



- ❑ დამხმარე პერსონალის (ასეთის არსებობის შემთხვევაში) ერთი პირის შრომის ანაზღაურება არ უნდა აღემატებოდეს 300 ლარს თვეში. 6 თვიანი პროექტის შემთხვევაში პროექტში ჩართული ყველა დამხმარე პერსონალის შრომის ანაზღაურება ჯამში არ უნდა აღემატებოდეს 1 800 ლარს, 12 თვიანი პროექტის შემთხვევაში - 3 000 ლარს, 18 თვიანი პროექტის შემთხვევაში - 4 500 ლარს და 24 თვიანი პროექტის შემთხვევაში - 6 000 ლარს;
- ❑ პროექტის განხორციელებისათვის აუცილებელი ხარჯები ჯამში არ უნდა აღემატებოდეს 60 000 ლარს პროექტის განმავლობაში. ხარჯი შეიძლება შედგებოდეს: ა) პროექტით დაგეგმილი შედეგებისათვის გასაწევ ხარჯებს; ბ) კვლევისათვის საჭირო აპარატურის, ტექნიკის ან სახარჯი მასალის შესყიდვის ხარჯებს. ხარჯების ოდენობა უნდა აკმაყოფილებდეს შემდეგ პირობებს:
- ❑ პროექტით დაგეგმილი შედეგებისათვის გასაწევი ხარჯები:
 - ✓ სტატიის გამოქვეყნება - (ან გამოქვეყნებაზე თანხმობის მიღება) რეიტინგულ ან არარეიტინგულ ჟურნალში - მაქსიმუმ 3 000 ლარის ოდენობით;
 - ✓ ბეჭდური პროდუქციის გამოცემა - მონოგრაფია, წიგნი, სახელმძღვანელო, კრებული (მათ შორის საკონფერენციო მასალების, თეზისების), ლექსიკონი, მეთოდური რეკომენდაცია, საგანმანათლებლო/დამხმარე მასალები, დისერტაცია, სამაგისტრო, სადოქტორო ნაშრომები - მაქსიმუმ 5 000 ლარის ოდენობით;

ძირითადი ფინანსური მოთხოვნები

- ✓ ელექტრონული პროდუქციის გამოცემა - მონოგრაფია, წიგნი, სახელმძღვანელო, კრებული (მათ შორის საკონფერენციო მასალების, თეზისების), ლექსიკონი, მეთოდური რეკომენდაცია, საგანმანათლებლო/დამხმარე მასალები, დისერტაცია, სამაგისტრო, სადოქტორო ნაშრომები, აუდიო/ვიდეო პროდუქტები - მაქსიმუმ 1 500 ლარის ოდენობით;
- ✓ პრეზენტაცია საერთაშორისო სამეცნიერო ღონისძიებებზე საქართველოში - მაქსიმუმ 1 500 ლარის ოდენობით;
- ✓ პრეზენტაცია საერთაშორისო სამეცნიერო ღონისძიებებზე საზღვარგარეთ - მაქსიმუმ 4 000 ლარის ოდენობით;
- ✓ ციფრული ტექნოლოგიის შექმნა - ვებგვერდი, აპლიკაცია, პროგრამული უზრუნველყოფა, მონაცემთა ბაზა, პლათფორმა - მაქსიმუმ 2 000 ლარის ოდენობით;
- ✓ სამეცნიერო ღონისძიების (ფორუმი, ვორქშოპი, კონფერენცია, სიმპოზიუმი, კონგრესი და სხვა) ორგანიზება საქართველოში (როგორც ადგილობრივი, ასევე საერთაშორისო მნიშვნელობის) - მაქსიმუმ 12 000 ლარის ოდენობით;
- ✓ ექსპედიცია საქართველოში - მაქსიმუმ 6 000 ლარის ოდენობით;
- ✓ ექსპედიცია საზღვარგარეთ - მაქსიმუმ 25 000 ლარის ოდენობით;
- ✓ სხვა შედეგები (ასეთის არსებობის შემთხვევაში უცილებელია დაკონკრეტება და სრულად განმარტება) - მაქსიმუმ 2 000 ლარის ოდენობით;
- ✓ კვლევისათვის საჭირო აპარატურის, ტექნიკის ან/და სახარჯი მასალის შესყიდვა (ასეთის არსებობის შემთხვევაში) - მაქსიმუმ 8 000 ლარის ოდენობით (ასეთის არსებობის შემთხვევაში აუცილებელია დაკონკრეტება და სრულად განმარტება);

საკონკურსო დოკუმენტაცია



- ✓ კრებსითი ინფორმაცია პროექტის შესახებ (დანართი №2 - ივსება GMUS-ში პროექტის რეგისტრაციის დროს);
- ✓ საპროექტო წინადადების I ნაწილი - პროექტის სამეცნიერო მნიშვნელობა (დანართი №3, იტვირთება GMUS - ში PDF დოკუმენტის სახით);
- ✓ საპროექტო წინადადების II ნაწილი - პროექტის განხორციელებადობა (დანართი №4, იტვირთება GMUS - ში PDF დოკუმენტის სახით);
- ✓ CV - (დანართი №5 - ივსება GMUS-ში „მეცნიერის პროფილის“ რეგისტრაციის დროს, გენერირდება, ექსპორტირდება და იტვირთება პროექტის რეგისტრაციისას ხელმძღვანელის მიერ);
- ✓ პროექტის განხორციელების გეგმა-გრაფიკი (დანართი №6 - ივსება GMUS-ში);
- ✓ პროექტის ბიუჯეტი და ბიუჯეტის დასაბუთება (დანართი №7 –ივსება GMUS-ში);
- ✓ ცნობა თანადაფინანსების შესახებ დანართი №8 ფორმით ფიზიკური პირისთვის, იურიდიული პირისთვის ორგანიზაციის ოფიციალურ ბლანკზე ან დანართი №8-ის ფორმით;
- ✓ პროექტის წამყვანი და თანამონაწილე ორგანიზაციის (ასეთის არსებობის შემთხვევაში), სამართლებრივი სტატუსის დამადასტურებელი დოკუმენტი (წესდება/დებულება). ა(ა)იპ-ისა და უსდ-ს შემთხვევაში ასევე საჭიროა 2026 წელს გაცემული ამონაწერი საჯარო რეესტრის ეროვნული სააგენტოს მეწარმეთა და არასამეწარმეო (არაკომერციული) იურიდიული პირების რეესტრიდან. დოკუმენტები იტვირთება GMUS-ში შესაბამისი „ორგანიზაციის პროფილში“ PDF დოკუმენტის სახით;
- ✓ პროექტში ძირითადი პერსონალის სტატუსით ჩართული ფიზიკური პირების აკადემიური ხარისხის დამადასტურებელი დოკუმენტები (დიპლომი, სერტიფიკატი, ასევე დოქტორანტურის, მაგისტრატურის ან ბაკალავრიატის საგანმანათლებლო პროგრამის სტუდენტის შემთხვევაში - ცნობა სწავლის შესახებ შესაბამისი ორგანიზაციიდან გაცემული 2026 წელს); დოკუმენტები იტვირთება GMUS-ში შესაბამისი პირის „მეცნიერის პროფილში“ PDF დოკუმენტის სახით, ასევე პროექტში - ძირითადი პერსონალის ველში.

საკონკურსო დოკუმენტაცია



საგრანტო კონკურსში მონაწილეობისათვის ფონდის კანცელარიაში კონკურსანტებმა უნდა წარმოადგინონ:

- პროექტის წარმდგენი იურიდიული და ფიზიკური პირების ერთობლივი „განცხადება კონკურსში მონაწილეობის შესახებ“ (დანართი №9 გენერირდება GMUS-ით) დამოწმებული შესაბამისი ხელმოწერებითა და ბეჭდით (ასეთის არსებობის შემთხვევაში);
- განცხადებაზე უცხოეთის მოქალაქე ძირითადი პერსონალის ხელმოწერის არქონის შემთხვევაში საჭიროა, განცხადებას თან ერთვოდეს აღნიშნული პირის თანხმობის წერილი, ორიგინალი ხელმოწერით და მისი ქართული თარგმანი დამოწმებული თარჯიმანთა ბიუროს მიერ. თანხმობის წერილით უნდა დასტურდებოდეს, რომ იგი გაეცნო კონკურსის პირობებს და თანახმაა კონკურსში მონაწილეობაზე;
- პროექტის სრულყოფილად წარმოდგენაზე პასუხისმგებელია პროექტის ხელმძღვანელი.

კონკურსზე რეგისტრაციის წესი

კონკურსში პროექტის რეგისტრაცია ხორციელდება **ორ ეტაპად!!!**

I ეტაპი! პროექტის ელექტრონული რეგისტრაცია – 2026 წლის 9 მარტიდან 14 აპრილის 16:00 საათამდე;

II ეტაპი! ფონდის კანცელარიაში რეგისტრაცია – 2026 წლის 22 აპრილის 18:00 საათამდე.

ელექტრონული რეგისტრაციის ეტაპი - ბმული <http://gmus.rustaveli.org.ge>

ელექტრონული რეგისტრაციისათვის საჭიროა:

- პროექტის წამყვანი და თანამონაწილე ორგანიზაციის (ასეთის არსებობის შემთხვევაში) რეგისტრაცია GMUS-ში – „ორგანიზაციის პროფილის“ შექმნა და შესაბამისი დოკუმენტების ატვირთვა.
- ფიზიკური პირების რეგისტრაცია GMUS-ში – „მეცნიერის პროფილის“ შექმნა და შესაბამისი დოკუმენტების ატვირთვა.
- პროექტის რეგისტრაცია კონკურსზე - კრებსითი ინფორმაციის შევსება და საკონკურსო დოკუმენტების ატვირთვა GMUS-ში.

➤ ფონდის კანცელარიაში რეგისტრაციის ეტაპი გულისხმობს კონკურსში მონაწილეობის შესახებ განცხადების წარმოდგენას ფონდის კანცელარიაში.

კონკურსის ადმინისტრირების ეტაპები

- ✓ პროექტების ელექტრონული რეგისტრაცია - 2026 წლის 9 მარტიდან 14 აპრილის 16:00 საათამდე;
- ✓ ფონდის კანცელარიაში რეგისტრაცია - კონკურსში მონაწილეობის შესახებ განცხადების წარდგენა - 2026 წლის 22 აპრილის 18:00 საათამდე;
- ✓ კონკურსის პირობებთან შესაბამისობის დადგენის მიზნით საკონკურსოდ წარმოდგენილი განაცხადების ტექნიკური ექსპერტიზა - 2026 წლის აპრილი-მაისი;
- ✓ შუალედური შედეგების გამოქვეყნება - ინფორმაცია კონკურსის პირობების დარღვევით წარმოდგენილი პროექტების მოხსნის შესახებ - 2026 წლის მაისი-ივნისი;
- ✓ კონკურსის პირობების დაცვით წარმოდგენილი პროექტების შეფასება და დასაფინანსებელი პროექტების შერჩევა კომისიის მიერ - 2026 წლის მაისი-ივნისი;
- ✓ დასაფინანსებლად შერჩეული პროექტების დამტკიცება ფონდის გენერალური დირექტორის მიერ და კონკურსის შედეგების გამოქვეყნება - 2026 წლის ივნისი-ივლისი;
- ✓ საგრანტო ხელშეკრულებების გაფორმება და დაფინანსება - 2026 წლის ივნისი-ივლისი.





მადლობა ყურადღებისთვის, ფონდი გისურვებთ წარმატებას!

